

Hōa-tiú<sup>n</sup> ê Oē

## Bé-phiò vs. Phiàn-phiò

Sóan-kí koh beh kàu--lah. Hō lán khí-mơ bái ê kùi-chiat koh lâi--lah!

Ták-pái nā kàu sóan-kí, chiū kám-kak chin ut-chut. Só ũ ê hâu-sóan jîn, beh tih phiò ê sī, lóng iông Tâi-gí tōa sè sia<sup>n</sup> hoah. Pài-thok! Pài-thok! Sîn-sèng ê chit-phiò! Pó-k ùi ê chit-phiò! Hoah kàu nâ-âu chiah tōa kang. Hoah kàu sia<sup>n</sup>-m̄ng kiông beh phò--khì. Ū kàu tōa sia<sup>n</sup>, ũ kàu chhò-hī<sup>n</sup>. Hāi lán kui-jit lóng bē-tàng chheng-chēng.

(kè-siòk tī ē chit iah)

Sóan-kí nā kòe, ũ sóan-tiâu kap bô sóan-tiâu..ê, lóng bô koh chài iông Tâi-gí kóng-ōe. Mā bô koh chhap Tâi-gí ê sí kap óah. Mài-khuh nā giáh--tiòh, khui-chhùi háp-chhùi ti ā<sup>n</sup>-tiòh sī hit-hō kng-chih ê TPO(Tâi-pak-ōe, chiū-si Tâi-ôan Pak-kia<sup>n</sup>-ōe). Koh kng kàu put-tap put-chhit! Mā bē-hiáu iông khin-sia<sup>n</sup>. Pún-thó gí-giân ná-chhiū<sup>n</sup> bô chûn-chāi ê khoán-sit.

Nā-sī kóng iông chi<sup>n</sup> lâi giú-phiò sng sī bé-phiò, iông Tâi-gí lâi giú-phiò sng sím-mih?

Chhiū<sup>n</sup> téng-bīn hit-chióng hêng-úi, kiám m̄-sī sng phiàn-phiò? Chèng-tī jîn-bút bô tiā<sup>n</sup>-tiòh ē án-ne kóng, "Góa iông TPO sī ũi tiòh beh hō tãi-ke lóng thia<sup>n</sup> ũ." Nā-sī án-ne, pài-thok ê sī kóng Tâi-gí bô àn-sng beh hō só-ū ê lêng chai-ia<sup>n</sup> lí ê cheng-kiàn? Kan-ta beh hō thia<sup>n</sup> ũ Tâi-gí ê lău-tōa-lêng chai? Kan-ta beh tih in ê phiò niâ? Sóan-kí soah, kóng TPO sī bô beh hō lău-tōa-lêng chai? Án-ne m̄-sī phiàn-phiò sī sím-mih?

Góa kò-jîn ê siū<sup>n</sup>-hoat sī lán lóng tui cheng-tī jîn-bút(cheng-kheh) siu<sup>n</sup> kòe-thâu sē ng! In hō lán sēng kàu peh-khí-khì lán ê thâu-khak-óa<sup>n</sup> téng pàng sái-jiō! Tèk-piát sī só-ūi ê pún-thó phải ê cheng-kheh, in kám-kak lán chit-phiò chóat-tui ē tng hō..in. Ōa<sup>n</sup>-ōe lâi kóng, chiū-sī ká lán chiah sí-sí! Ká lán ê sóan-phiò kiông-kan!

Góa chit-má beh kiàn-gī lán Tâi-bûn kai ê iú-chì: chin sêng-khún ká hâu-sóan jîn ià u-kiū in chi-chhî Tâi-gí-bûn ũn-tōng. Pài-thok āu-pái ài thui-sak pún-thó gí-bûn ê sū-kang. Góa kiàn-gī kap in iông pèh-chóa siá ó-jī chhiam-iok. Chhiū<sup>n</sup> Bí-kok Chóng-thóng

ê sóan-kí án-ne. Chō-sêng ap-lèk thōan-thé. Án-ne chit-pō̍ chit-pō̍ lâi kiâ<sup>n</sup>, kiâ<sup>n</sup> kàu lán bók-phiau ê só-chāi.